

# Ang Hustong Pamatasan: Tinuod Nga Mapainubsanon

**Dr. Eddie Idefonso**

## Roma 12:3

<sup>3</sup> "Kay tungod sa grasya sa Dios nga gikahatag kanako, sultihan ko kamong tanan: Ayaw isipa ang inyong kaugalingon nga labaw sa tinuod ninyong kahimatang. Hinuon, ligdonga ang inyong panghunahuna ug hukmi ang inyong kaugalingon sumala sa gidak-on sa pagtoo nga gihatag sa Dios kaninyo."

Kay pagpakita man kini sa kausaban ug unsay gimando sa apostol, ang pagsulay alang sa espirituhanong pagpangalagad ngadto sa espituhanong paghalad, ang tulay tali niini mao ang espirituhanong pamatasan.

Ang hustong pamatasan sa usa ka Kristohanon mao ang pagkamapainubsanon, dili pag-isip sa kaugalingon nga labaw sa tinuod nga kahimtang. Ang kakulang niinang maong patukoranan sa maayong pamatasan maoy mahimong kapandolan sa daghang magtotoo. Wala kini magsapayan ug unsa kita ka lalom sa Pulong sa Dios, unsa ka maayo ang atong pagtulon-an mahitungod sa Dios o unsa kita kadasig sa pagpangalagad ngadto kaniya. Ang atong mga gasa dili mosaler aron makahimo kita sa espirituhanong bulohaton hangtod nga mapadaplin ang atong kaugalingon pinaagi sa pagdumili niini. Kay gigan sa espirituhanong pagsimba modagayday ang pagpanugyan sa kaugalingon ngadto sa kabubot-on sa Dios. Ug ang pagpanugyan sa kaugalingon modagayday ang dili na pag-isip sa kaugalingon makapangalagad lamang sa bulohaton sa Dios. Walay bisan usa ka magtotoo nga dili magbuhat niining panawagan sa pagkamapainubsanon, kay si Pablo nagsulti man ngadto sa tanang tawo-kini kinatibuk-an nga kamandoan alang sa tanang iya ni Kristo.

Ang butang angayan nga basihan sa Kristohanon nga iyang naangkon ug siya namuhat, gikan sa kaluwasan ngadto sa pag-alagad mao ang grasya nga gikahatag kaniya sa Dios. Ingon nga kita naluwas pinaagi lamang sa grasya sa Dios ug tungod lamang niana makapangalagad kita ngadto kaniya. Apan ang klaro nga langitnong grasya nga gisulti ni Pablo dinhi mao ang pagpahimutang kaniya nga apostol sa Dios ug dunay katungod sa pagbutyag sa Pulong sa Dios ([Roma 1:1-5](#); cf. [Roma 15:15](#); [1 Corinto 3:10](#); [Galacia 2:9](#)).

Sa gihapon kini bahin sa pagkamapainubsanon, dili ikatingala nga si Pablo sa iyang pagka apostol naghangyo sa pagtagad sa langitnong gahom ,diin naggikan ang iyang kaugalingong kagahom. Siya mapainubsanon bisan pa mahitungod sa iyang pagka apostol nga iyang nadawat nga ang bugtong paagi mao lamang gayod ang grasya sa Dios ug dili sa bisan unsang butang nga gikan kaniya. "Nagpasalamat ako kang Kristo Jesus nga atong Ginoo nga naghatag kanakog kusog," iyang gipahibalo si Timoteo. "tungod kay giila man ako niya nga

takos ug gitudlo aron mag-alagad kaniya, bisan ug gilutos ug gibugalbugalan ko siya. Apan sa gihapon ako iyang gikaluy-an tungod kay dili pa man ako magtotoo ug ang grasya sa atong Ginoo mas labaw pa man kamadagayaon uban ang pagtoo ug gugma nga nakaplagan diha kang Kristo Jesus" (1 Timoteo 1:12-14, importansya gidugang). Ingon nga apostol ni Jesu- Kristo, siya nagtawag alang sa pagkamapainubsanon nga maoy labing una gayod nga maayong pamatasan sa usa ka Kristohanon ug mao kini unya ang magaabli sa pultahan sa gugma, gahom ug panaghiusa.

Dugang bili sa panginahanglan sa pagkamapainubsanon, si Pablo naggamit sa pulong *phroneō* (paghunahuna) kaupat ka higayon sa besikulo 3. Ang Kristohanon kinahanglan dili maghinubra sa paghunahuna sa iyang kaugalingon, sa paghunahuna nga labaw (*hyperphroneō*) siya, apan nga maghunahuna sa iyang kaugalingon sa iyang pagka siya. Dili gayod niya pasubrahan ang iyang mga abilidad, mga gasa o ang iyang pagkabilihon apan kanang husto lamang pag-ila sa iyang kaugalingon "Kay bisan kinsa nga maghunahuna nga siya bilihon apan diay walay nahot, Si Pablo dinhi nagpasidaan, "ang maong tawo naglimbong sa iyang kaugalingon" (Galacia 6:3). Apan diay sa tinud-anay labihan gayod kaayo ka ubos ang kahimtang (cf. 1 Timoteo 1:12-16)

Ngadto ta sa pagsusi sa kaugalingon ug hukom alang sa ubang mga Kristohanon, si Pablo nag-ingon sa Iglesia sa Corinto. "Kay tungod kaninyo, mga igsoon, gihimo ko nga panig-ingnan si Apolo ug ang akong kaugalingon alang sa inyong kaayohan aron makakat-on kamo sa pagkinabuhi sumala sa Kasulatan. Kinhanglan nga walay usa kaninyo magpalabi sa usa ka tawo ug magtamay sa uban. Kinsay naghimo kaninyo nga labaw kay sa uban? Dili ba ang Dios man ang naghatag kaninyo sa tanang butang? Unya, nganong magpasigarbo man kamo? Mura man pod ug dili hinatag ang tanang butang nga anaa kaninyo!" (1 Corinto 4:6-7; cf bersikulo 1-5). Si Pedro nagtambag sa tanang mga tigulang sa Iglesia, bata ug edaran, nga isub-ob ninyo sa inyong kaugalingon ang pagkamapainubsanon ngadto sa matag-usa kay kontra sa Dios ang mga garboso apan maluoy siya sa mga mapainubsanon: (1 Pedro 5:5)

### Roma 12:3

<sup>3</sup> "Kay tungod sa grasya sa Dios nga gikahatag kanako, sultihan ko kamong tanan: Ayaw isipa ang inyong kaugalingon nga labaw sa tinuod ninyong kahimtang. Hinuon, ligdonga ang inyong panghunahuna ug hukmi ang inyong kaugalingon sumala sa gidak-on sa pagtoo nga gihatag sa Dios kaninyo."

Sa pagbaton ug maayong paghukom gihubad (*sōphroneō*) sa berbo nga adunay nag-una nga kahulogan sa "paghunahuna ug maayo, sa paghunahuna nga ug dang" (ingon ang KJV). Sa paghunahuna sa atong kaugalingon uban ang maayong paghukom magahatod kanato ngadto sa pag-ila sa atong kaugalingon, nga kita wala gayod intawon nahot apan diha kang Kristo magamit kita alang sa himaya sa Dios pinaagi sa gasa nga gikahatag diri kanato. Kinahanglan nga atong masabtan nga sa atong kaugalingon, sa atong unodnon ingon nga

tawo wala gayoy butang nga atong mahimo sa dayon, apan sa gahom sa Balaan nga Espiritu kita magamit alang sa pagtukod sa gingharian ug pagpasidungog sa Hari.

Ang mga tawo dili angay nga mag-antos tungod sa ubos nga pagtan-aw sa kaugalingon, hinuon sila magmapasigarbohon. Kana kinahanglan kaayo nga pamatasan sa tawhanong kinaiyahan. Ang kahakog sa kaugalingon maoy garbo nga magdominar sa unod. Aron kita mahimong magamit kaayo alang sa Ginoo kinahanglan nga atong ilhon ang atong mga limitasyon ingon nga mga nakasala nga mga lalaki ug babaye ug usab ang atong mga abilidad ingon nga mga bag-ong binuhat diha kang Kristo, ug magabantay uban ang hustong panlantaw.

Niana nga pagkamapainubsanon alang sa tanang espirituhanong butang kini dili sayon nga makaplakan o mamintinar. Sa panahon sa Bag-ong Tugon, daghang mga Iglesia gihulagway sa mga membro niini nga matinguhaon kaayo nga magpadayag ug makapaagni nga mga gasa, ang Iglesia sa Corinto nga maoy labing labaw nga malinapason. Si Pablo nagpasidaan hinuon kanila nga ilang "tinguhaon ang mga gasa nga labi pang importante," sa paagi nga mapainubsanong gugma ([1 Corinto 12:31](#); cf. [1 Corinto 13:1-13](#)). Uban ang masabot kaayo nga pagsaway, si Juan nag-ila sa pangalan sa usa ka magtotoo nga kinaugalingon lamang, ang maong tawo mao si Diotrephes nga "mahigugmaon kaayo nga ilhong pangulo. ([3 Juan 9](#)). Makasusubo kaayo nga ang Iglesia napuno sa mga membro nga mapasigarbohong nagtinguha nga maoy mailado ang kaugalingon ug magdumili sa gahom sa pag

Ang modernong sosyodad ubos kaayo ang ilang pagtan-aw sa tinuod nga pagkamapainubsanon. Hinuon kini gihulagway nga mapugsanon ug nagbayaw, kaugalingon ra ang gitagad, mahiligon sa garbo, mapatuyangon sa lawas ug matinguhaon sa pagtagbaw ang kaulag sa kaugalingon ug tinguha ug walay pagtagad kon kinsay masakitan. Mao nga dili ikatingala nga dagsang kaayo ang pagkamasulob-on ug ang kasamok sa pagbati. Sa basahon ni professor William K. Kilpatrick, *Psychological Seduction, the Failure of Modern Psychology* siya miingon " Ang talagsaon nga hulagway sa balatian sa utok maoy sagad nga mga kaso sa pagkapuno o naghinubra nga pagbati sa kaugalingon. Kini maila kaayo nga kalidad, ang butang nga naglain sa mga tawo nga dunay problema sa kahasol sa panghunahuna mao ang naghinubra nga pagtagad sa kaugalingon. Ang bililhon kaayo alang kanila mao nga sila ra ang magbuot sa ilang kaugalingon. Ang kanunay nilang kabalak-an mao ang panahon nga adunay manginlabot kanila sa ilang kagustohan o mogiya sa ilang mga kinabuhi."([Nashville: Nelson, 1983], p. 67).

Sa dugay'ng panahon nga wala pa moabot ang modernong pagtuon sa hunahuna ug kinaiya sa tawo, ang mga nagatuon mahitungod sa Dios mibarog pag-atubang niining dakong kadaot tungod sa paghigugma sa kaugalingon lamang. Niadtong sayong kapanahonan sa Iglesia, si Augustine "Dunay duha ka mga siyodad ug sa iyang maayong nahimo siya nagsulat [The City of God](#), "Dunay duha ka mga siyodad nga namugna pinaagi sa gugma; ang nia sa kalibotan

pinaagi sa gugma sa kaugalingon bisan pa sa wala pagtugot sa Dios, ug ang langitnong gugma nga wala itugot sa kaugalingon. Ang naulahi maoy pulong sa Dios, naghimaya sa kaugalingon ug ang ulahi alang ngadto sa Ginoo" (*Civitas Dei*, XIV, 28. Cited by John Warwick Montgomery, [The Shape of the Past](#)[Minneapolis: Bethany, 1975], p. 46).

Ang bantogan nga Repormista nga si John Calvin nag-ingon,

"Kitang tanan buta ra kaayo ug nagdali ngadto sa paghigugma sa kaugalingon lamang kay ang tanan naghunahuna nga dunay maayong rason sa pagpataas, pagsalikway ug pagtandi sa ubang mga butang. Wala nay laing pamaagi kon dili ang paglarot pinaagi sa mga gamot sa labing makadaot nga mga mananap, ang paghigugma sa kaugalingon ug ang gugma sa kadaugan... Kini mao ang gihimo sa pagtulon-an sa Kasulatan. Kay kini nagatudlo man kanato sa paghinumdom sa mga gikatugyan sa Dios diri kanato kini dili atong kaugalingon apan mga gasa. Ug sila nga nagpasundayag niini nagbudhi ug dili mapasalamaton." (Institutes of the Christian Religion, trans. Henry Beveridge, 2 vols. [Grand Rapids: Eerdmans, 1966], 2:10)

Kini nga problema angay hatagan ug pagtagad sa positibo nga pamaagi, ang nagsulat sa Hebreohanon nagtambag. " Magdinasigay kita sa pagpakita sa gugma ug sa pagbuhat sa maayo, dili nato undangon ang batasan sa panagtigom sama sa gibuhay sa uban. Magdinasigay hinuon kita labi na kay nasayod kamo nga hapit na moabot ang Adlaw sa pagbalik sa Ginoo." ([Hebreohanon 10:24-25](#))

Bisan ug wala hisgoti sa maong texto, dunay magarbohon nga mga batasan ngadto sa espirituhanong mga gasa nga nahamutang diha sa 5 ka mga kategorya. Ang kadaghanan niini gikahisgutan na.

Ang unang sayop nga pamatasan mao ang paggamit sa nag-unang gasa o laing gasa sa maong hisgutanan nga hinambog kaayo. Ingon nga si Pablo nagtambag sa mga magtotoo sa Corinto. "Busa dili makaingon ang mata ngadto sa kamot, "Wala ako magkinahanglan kanimo!" Dili usab makaingon ang ulo ngadto sa tiil, "Wala ako magkinahanglan kanimo!" ([1 Corinto 12:21](#)) Mao baya kini ang ginahimo sa Kristohanon sa higayon nga manghambog siya sa gasa nga iyang naangkon ug sa mga butang nga iyang nahimo.

Ang ikaduhang sayop nga pamatasan mao ang paghimong minus ug bili sa atong gaugalingon ug ang mga gasa pinaagi sa bakak nga pagpulo-pahiubos (tan-awa sa [1 Corinto 12:11-12,19](#)). Kanang maong batasan wala gayod, hinuon pagtakoban nga maningkamot aron lamang daygon. Apan sa pikas nga bahin kon ang usa ka tawo dayag kaayo nga ginasaan labaw sa tanang mga Kristohanon, kini matintalon kaayo nga magpakaaron-ingnon nga mapainubsanon sa diha nga sa tinud-anay siya gidayeg, niana iyang

gipakagamay ang unsay gihatag sa Dios nga aron kapuslan pinaagi kaniya. Ang tanang mga gasa mahinungdanon kaayo ug kini gidesinyo nga sibo gayod sa mahimayaong katuyoan sa Dios.

Ang ikatulong sayop nga pamatasan mahitungod sa espirituhanong mga gasa mao ang pag-angkon niini, ilabi na gayod ang gasa nga makadani apan ang tinuod wala diay nato kini mabatoni. Ang paghimo niana maoy pagkaminus sa gasa o mga gasa nga atong nabatonan gikan kaniya, dili lamang nga kini pagpanlimbong apan pagpasipala pa gayod sa kaalam sa Dios ug sa iyang pagka soberino. "Dili ang tanan mga apostoles?" Si Pablo sa naandan nanguta. "Dili ang tanan mga propeta? Dili ang tanan magtotudlo? "Dili ang tanan may gahom sa paghimog mga milagro o sa pag-ayo sa mga balatian o sa pagsultig mga lahi nga pinulongan o pagsabot sa kahulogan sa maong mga pinulongan?" (1 Corinto 12:29-30). Ug kon ang Dios wala magpili kanato aron hatagan sa bisan asa niana nga mga gasa, kinahanglan nga dili kita magpakaaron-ingnon nga atong naangkon o magtinguha sa pag-ankon.

Ang ika-upat nga sayop nga pamatasan mao ang pagkapakyas sa paggamit niini nga dili kaayo mamatikdan apan tungod sa kasina, kayugot o kaulawon. Ang pagtuyo nga ang espirituhanong gasa dili tagdon ug isalikway kini maoy pagtamay sa pagka soberino sa grasya sa Dios. Mahimong moingon ang tiil, "Tungod kay dili man ako kamot, dili ako kabahin sa lawas." Apan ang pagsulti niya niini wala maghimo sa tiil nga dili bahin sa lawas. Ug mahimong moingon ang dalunggan, "Kay dili man ako mata , dili ako bahin sa lawas." Apan kini wala maghimo sa dalunggan nga dili bahin sa lawas." (1 Corinto 12:15-16). Ang Dios adunay plano sa matag usa niya ka mga anak, ug ang matag plano maayo, hinpit ug angayan.

Ang ika-limang sayop nga pamatasan mao ang pagkapakyas gyod ug bisan unsa na lang ang nahimong hinungdan, pagsalikway ba, kapaitan ba, kasina ba, pagkaulaw ba o pagka-lahi gyod nga kinaiya. Kay ang matag gasa nga espirituhanon gamiton gayod ug maayo tungod kay ang matag gasa gitugot man nga langitnon ug nagpasabot kana nga gigamhan sa langit ug adunay kapuslanan. Labing siguro si Pablo nagtagad niining maong hisgutanon ug sa (Roma 12:6-8) siya nag-agda nga ang tanang mga gasa pagagamiton gayod.

Ang pagkamapainubsanon ug kadungganon maoy gikinahanglan sa Dios ug wala kini magtan-aw nga subra o kulang, ang gasa sa Dios. Ang giisip mao nga kini husto ug gigamit sa husto nga paagi. Ang matag Kristohanon makapamatuod niana, "Ang Dios nagahatag kanako sa gasa, siya nagahatag niini kanako nga puno sa grasya ug gugma ug hatagan ako niya sa tanan kong gikinahanglan aron akong magamit ang mga gasa nga epektibo gayod kaayo alang sa iyang himaya. Ako nagpasalamat kaniya ug nagdayeg sa iyang ngalan."

### Roma 12:3

<sup>3</sup> "Kay tungod sa grasya sa Dios nga gikahatag kanako, sultihan ko kamong tanan: Ayaw isipa ang inyong kaugalingon nga labaw sa tinuod ninyong kahimatang. Hinuon, ligdonga ang inyong panghunahuna ug hukmi ang inyong kaugalingon sumala sa gidak-on sa pagtoo nga gihatag sa Dios kaninyo."

Adunay mga hustong pamatasan usab alang sa espirituhanong mga gasa. Una, kinahanglan nga sa hustong pamaagi atong ilhon ug tamdon nga ang Ginoo mismo sa iyang kaugalingon maoy naghatag nga husto sa iyang kagustohan alang kanato ug sa tanan natong gikinahanglan sa pag-alagad kaniya sumala sa iyang kabubot-on sa gidak-on sa pagtoo nga iyang gihatag sa matag-usa. Niini nga kontekto, ang gidak-on sa pagtoo nagtudlo sa hustong gidak-on sa espirituhanong gasa ug sa mga pamaagi nga kini magapamuhat aron ang pagka soberino sa Dios madayag ngadto sa matag usa ka magtotoo. Ang matag magtotoo nakadawat sa hustong gasa ug kagamitan nga haom gayod aron matuman niini ang iyang papel alang sa lawas ni Kristo. Apan hinumdomi nga ang matag magtotoo nakadawat sa husto ug igo nga gidak-on sa pagtoo aron magamit niya sa iyang pag-alagad ug pagtuman sa mga sugo sa Ginoo. Ug sa diha nga ang magtotoo mapakyas gani sa paggamit sa igo nga gidak-on sa iyang pagtoo mag-atubang siya sa linugdangan nga mao ang dakong pag-antos ug kasakitan uban ang iyang mga mahal sa kinabuhi.

Dihay usa ka tumotumo nga artikulo nga napublisar didto sa Springfield, Oregon, ang eskwehan nga pampubliko naghulagway ug maayo niini nga prinsipyo.

Usa ka higayon niana, ang mga mananap nakahukom nga aduna silay pagabuhaton nga makahuloganon aron matagbo ang panginahanglan sa problema sa bag-ong kalibotan. Mao nga giorganisa nila ang eskwelahan.

Sila naghimo ug kalihukan sa ilang korekolom nga dinaganay, sinak-anay, linangoyay ug linoparay. Aron mahimong sayon ang pagbuhat niini, ang tanang mga mananap nagkuha sa tanang mga tun-anan kalabot niini.

Ang pato maoy nanghawod sa linangoyay, ang kamatuoran niana mao nga mas maayo pa siya kay sa magtotudlo. Apan sa linoparay, igo ra gyod siyang nakapasar, pero sa dinaganay wala gyod intawon siyay nahimo. Tungod kay hinay man lagi siya sa dinaganay mao nga iyang giundang ang linangoyay aron tutokan niya ang pagbansay sa dinaganay human sa klasi. Maoy hinungdan nga gipamulan ang iyang nagkangkang nga tiil, tungod niana igo-igo ra gyod siya sa linangoyay. Apan kapasar lang gihapon, walay laing nabalaka niana gawas mismo niya nga pato.

Samtang ang rabbit sa pagsugod sa iyang klasi nga dinaganay, aw, siya gyoy naghawod, apan gibikugan man pod siya sa linangoyay tungod sa iyang pagpaningkamot niini.

Ang melo nagsugod nga maoy labaw sa ilang klasi nga sinak-anay, apan dunay problema nga iyang nasugatan kay ang iyang magtotudlo gipasugod man siya gikan sa ubos padulong sa ibabaw ug dili man gikan sa ibabaw padulong sa ubos. Tungod niana mibati siya ug pamaol gumikan sa subra nga pinugong sa pagnaug. Mao nga C ra gyod ang iyang grado sa sinak-anay ug D sa dinaganay.

Ang agila maoy batang dunay problema karon kay na disiplina man siya tungod kay gahi ug dili man mopatoo. Kay sa sinak-anay gipildi niya ang tanan ngadto padulong sa ibabaw sa kahoy apan ang pamaagi iya-iya ra ug dili maminaw sa pamaagi sa magtotudlo.

Ang ponto sa maong estorya klaro kaayo. Sama sa mga mananap, ang matag tawo nakaangkon ug pinasahi apan limitado nga mga kapabilidad. Naningkamot sa pagpamuhat nga wala na sa iyang gasa ug maoy hinungdan nga dili niya mahimo, kini magmugna na lamang ug kapakyasan, kaluya, dili maayong pagbati, dili dako ug maayo ang nahimo ug ang lintunganay mao ang iyang kapildihan. Matuman lamang ang atong pagkatinawag kon mamuhat kita sumala sa daan nang gilatid sa Dios nga iyang soberinong gidisinyo alang kanato.

### Roma 12:3

<sup>3</sup> "Kay tungod sa grasya sa Dios nga gikahatag kanako, sultihan ko kamong tanan: Ayaw isipa ang inyong kaugalingon nga labaw sa tinuod ninyong kahimatang. Hinuon, ligdonga ang inyong panghunahuna ug hukmi ang inyong kaugalingon sumala sa gidak-on sa pagtoo nga gihatag sa Dios kaninyo."

Si Pablo wala maghisgot dinhi kalabot sa pagtoo mahitungod sa kaluwasan kay humana ang mga magtotoo nagbuhat niini. Dinhi naghisgot siya sa usa ka piniyalan nga matinud-anon, ang klasi ug kalidad sa pagtoo nga gikinahanglan alang sa pagbuhat sa usa ka gasa. Kay pinaagi sa pagtoo, ang Ginoo magagamit sa gidak-on sa gasa diri kanato ngadto sa kahingpitan. Kini naglangkob sa tanang pagbati, mahimo ug masabtan, kita kinahanglan nga sa husto ug sa hingpit maggamit sa talagsaong gasa nga gikahatag. Ang langitnong Amahan wala magsangon kanato sa mga gasa ug unya dili siya magtagbo sa tinubdan sa matag espirituhanong pagpanabot, panglawas ug pagbati nga atong gikinahanglan aron magmalamposon kita nga magamamuhat.

Tungod kay ang matag magtotoo sa hingpit ginasaan man kay walay gasa nga gihatag ang Dios nga kinahanglan pa natong pangitaon ug kinahanglan nga atong isalikway o atong tamayon. "Adunay mga butang nga nagpaila nga ang presensya sa Espiritu anaa sa matag-

usa ug kini alang sa kaayohan sa tanan, "Si Pablo nagsaysay niini sa iyang unang sulat ngadto sa taga Corinto, "Apan mao rang Espiritu ang naghimo niining tanan. Gihatagan niya ug nagkalainlaing gasa ang matag tawo sumala sa iyang kabubot-on" (1 Corinto 12:7-11).

Ang mga mosunod mao ang siyam ka mga giya nga makatabang sa pagtuman sa katuyoan sa atong espirituhanong mga gasa. Kinahanglan nga atong ihalad ang atong mga kaugalingon ingon nga buhing halad (Roma 12:1); ilhon nga ang tanang magtotoo, apil na niini ang atong kaugalingon ingon nga mga ginasaan (Roma 12:3); mag-ampo alang sa kaalam, nga wala nay laing pangitaon pa (Buhat 8:18,24) susihon ug unsay tinguha sa atong kasingkasing (1 Timoteo 3:1); hulaton ang kompermasyon ug panalangin sa Dios; sa kinasingkasing magaalagad kaniya ug andamon ang gasa aron magamit.

Ug bisan nga ang tanan nahimo na, sa gihapon lisud nga sa hingpit atong masabtan ug mailhan sa klaro ang atong gasa. Kay kasagaran lisud man ang pag-ila tali sa natural nga talento ug sa espirituhanong gasa nga hinatag sa Dios pinaagi sa gahom sa Espiritu Santo. Sa diha nga ang kinabuhing Kristohanon mahimo na nga halad ngadto sa Dios ug magalakaw na siya diha sa Espiritu wala na siyay rason pa nga klarohon pag-ila kay gikatugyan naman niya ngadto sa Ginoo ang tanang butang sa iyang pagkasiya ug ang tanang butang nga iya. Kay sa panahon gani nga subra ra kaayo ang pagpakasayon ug paghatag ug kahulogan sa espirituhanong mga gasa magmugna kini ug dakong kalibog, kapakyasan, kaluya ug kagamay sa ilang mahimo. Ug ang subra ra sab kaayo nga pagtutok sa mga gasa kini makahatag ug babag sa matinud-anong paggamit alang sa pag-alagad sa Ginoo.

Ang Bag-ong Tugon wala magsaad nga ang atong gasa moabot nga kompleto na. Dili usab kini klaro nga mailhan ang gasa ngadto sa bisan kinsa nga magtotoo sa Bag-ong Tugon apil na niini ang mga apostoles. Ang mga magtotoo sa unang Iglesia wala mabahin pinaagi sa mga gasa. Hinuon, ang tugbang niini sa Bag-ong Tugon mao nga nahimong dayag nga ang Dios ngadto sa iyang mga anak siya nanghatag sa daghang kombinasyon ug ang-ang sa pagkaginasahan. Kini iyang gisagol nga mga gasa sama nga ang pentorador nagsagol ug daghang mga kolor aron makahimo ug hulagway sumala sa iyang kagustohang himuon..

### 1 Pedro 4:10-11

<sup>10</sup> Ingon nga maayong piniyalan sa nagkalainlain nga gasa sa Dios, kinahanglan nga gamiton sa tagsatagsa ang talagsaong gasa nga iyang nadawat gikan sa Dios alang sa kaayohan sa uban.

<sup>11</sup> Ang magwali kinahanglan nga magwali sa pulong sa Dios. Ang nag-alagad kinahanglan nga mag-alagad sumala sa kusog nga gihatag kaniya sa Dios aron nga sa tanang butang daygon ang Dios pinaagi kang Jesu-Kristo kay iya man ang tanang dungog ug gahom hangtod sa kahangtoran! Amen.



Si Pedro nag-ingon, "Ingon nga maayong piniyalan sa nagkalainlain nga gasa sa Dios, kinahanglan nga gamiton kini..."(1 Pedro 4:10a). Siya naggamit ug pulong (ang) nagpasabot lamang kini nga usa ra ka gasa sa matag magtotoo. Apan kana nga usa ka gasa talagsaon sa kinabuhi sa usa ka magtotoo tungod kay kombinasyon kana sa daghan ug nagkalainlaing kolor sa kategorya sa gasa sa pagsulti ug pag-alagad (bersikulo 10b-11) ug gikan niana ang Espiritu gapintal ug kolor sa usa ka magtotoo ug nga niana gisambugan uban ang talagsaon nga hunahuna, pagbansay ug kasinatian, ug ang pagpangabudlay sa matag-usa nagresulta sa matag Kristohanon nga sama sa dekolor nga yelo lainlain apan usa ra ang sinugdanan.

Ang Roma 12 ug 1 Corinto 12 nagduot nga kining duha ka mga sentrong bahin sa Kasulatan mahitungod sa espirituhanong mga gasa dili gyod ang magtotoo sa hingpit makaila sa iyang gasa apan pinaagi unya sa iyang matinud-anong paggamit niini. Maayo na lamang gani usab nga kining maong bahin sa Kasulatan naghigot kay wala nay lain pa. Kini naghimo kanatong mitoo nga ang mga kategorya mao gayod ang unang mga kolor, ingon nga mao ni sa sinugdanan, diin gikan nga ang Ginoo maoy nagsagol niini nga nahimong talagsaon ang iyang mga anak.

Ug unya kining tanan kinahanglan nga magmugna ug pagkamapainubsanon tungod kay ang atong espirituhanong kapuslanan alang man sa lunsay'ng soberino nga buhat sa Dios, wala gayod ni usa niini nga mahiadto sa tawo. Bisan pa ug itandi ang atong espirituhanong kapuslanan, wala gayod kini, tungod sa atong pagka-dili angayan ug pagka-walay pulos diha sa unod. Tungod niini wala gayoy maayo nga nia kanato nga makahimo kita sa paghimaya sa Dios.